



**Quæstionum Canonicarum, In Quinque Libros  
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur  
De Judiciis, Foro Competenti, Libelli Oblatione, Mutuis petitionibus, ...

**Krimer, Ferdinand**

**Augustæ Vindelicorum, 1708**

§. IV. An Rector inferioris Ecclesiæ in judicio stare possit pro juribus ejus?

---

[urn:nbn:de:hbz:466:1-73001](#)

*ximus de Judicijs.* Not. 8. excommunicatum in judicio posse respondere per Procuratorem ex c. intelleximus cit. non tam teneri, saltē in arduis. Unde ly debet per alium respondere (quod habetur in cit. c. intellige, ubi, ut per se ipsum respondeat, causæ gravitas non exigit.

## §. IV.

*An Rector inferioris Ecclesie in judicio stare possit pro iuribus ejus?*

§3. **Q**uestio est, an ius agendi in judicio, pro iuribus Ecclesie inferioris, quæ Praelato Superiori subjecta est, competat inferiori, vel Vicario perpetuo? hæc quæstio tractatur c. cum deputati 16. h.t. & respondet juxta id, quod ex illo textu colligitur, quod Religiosi habentes administrationem, aut beneficium possint super iuribus agere, & conveniri in judicio, ut diximus n. 46. et si Praelato superiore constituti sint, ita, ut uterque actu administrationem habeat, agere posse inferiorem, si superior permitrat, & non ipse agere malis: si autem inferior tantum in actu habeat administrationem, & superior in habitu, Rectorem, seu administratorem preferri; nec superiore ordinariè se immiscere debere, nisi in defectu inferioris; sic Clement. 1. junct. gloss. V. liceret. de Reser. ubi dicitur, quod Abbares, aut alii Religiosi, quibuslibet administrationibus præsidentes, occasione Prioratum, seu aliorum locorum subditorum eisdem, nullum auctoritate literarum Apostolicæ sedis, vel legatorum ipsius, quomodolibet valeant convenire, nisi ubi, & coram quibus, Prioratum, & locorum ipsorum Prioribus, aut aliis gubernatoribus hoc liceret. Nec occasione locorum ad mensas pertinentium eorundem, aliud in ipsis super hoc, liceat, quam si loca sic præmissa, speciales sub eis gubernatores haberent.

§4. Not. præterea, idem dicendum de Rektoribus Ecclesiarum inferiarum, seu Parochis, & quod dicimus de Parochis, intelligetiam de Vicario perpetuo. Feling. in c. perpetuus. 12. de fd. Instrum. n. 4. Nam talis titulum beneficij obtinet. c. Michael. 13. de filijs Presbyt. hinc de ipso sicut de aliis Curatis, & beneficiatis sentendum. Clement. unic. de Offic. Vicar. Ad-

mitti tamen deberet principalis Rector, si liti assistere velit; quia si Vicarius item perderet, & necessariam sustentationem non haberet, illi Rector providere deberet, consequenter etiam hujus interest, ut recte agat, si tamen Rector ignoraret, aucta tenebrent: Pithing. cit. de Judicijs n. 36. Et hoc etiam probabiliter procedit de obedientiariis, seu his, qui ad nutum Superioris sunt amovibiles, ut notavimus supra.

Not. 2. Episcopum in judicio agere posse nomine Ecclesie Parochialis suæ diæcesis pro iuribus, & rebus ejus, licet habeat Parochum c. ult. de success. ab integrat. est enim Ordinarius Pastor omnium Parochiarum suæ diæcesis, & omnes diæcésani sunt Parochiani ipsius Episcopi, c. ult. de sepultur. Si tamen de jure decimarum, vel reddituum Parochialium agatur, Parochus Episcopo preferendus est; nisi Parochus negligat; vel administratio æquè immediate ad Episcopum pertineat; eo, quod & ipse tertiam, vel quartam partem decimarum percipiat; sic enim etiam ipsius interest.

55:

## ARTICULUS III.

*An Judex possit cogere partes ad personaliter comparendum in judicio.*

**R**esp. id regulariter non posse Judicem 56. etiam à Papa delegatum ex c. Juris 1. b. t. in 6. ubi innocentius IV. in generali Concilio Lugdunensi ait: juris esse, ambiguum non videtur, Judicem delegatum (qui à sede Apostolica mandatum ad hoc non receperit speciale) jubere non posse alterum partium coram se personaliter in judicio comparere; nisi causa fuerit criminalis, vel nisi pro veritate dicenda, vel pro juramento calumnia faciendo, vel alias iuris necessitas partes coram eo exegerit personaliter præsentari. Ex hoc patet, à dicta responsione quosdam casus excipi. 1. Si ad hoc judex habeat speciale mandatum. 2. Si causa sit criminalis, criminaliter intentata; quamvis admittatur procurator, si agitur civiliter, & agatur de crimen. gloss. in c. juris. V. criminalis. deinde si præstandum est juramentum de veritate dicenda, vel citentur ad respondentum positionibus, articulis, & interrogatoriis. 3. Si sit præstandum juramentum

C

calumnias